

PAPAKILO Hawaiian Newspapers Collection [Menu](#) ▾[Translate](#)  
www.woah.org[Ka Hoku o ka Pakipika](#) / [20 February 1862](#) / [He Nuhou no ka Ilio Hawaii](#).Ka Hoku o ka Pakipika, Volume I, Number 22, 20 February 1862  
— He Nuhou no ka Ilio Hawaii. [ARTICLE][Back](#)**He Nuhou no ka Ilio Hawaii.**

He wahi mea hou no ka'u e hooili aku nei ia oe, oia hoi he ilio maoli no Hawaii nei. Ua maa kakou i ka lohe a me ka ike o na haole ka mea ilio akamai a lohe i ka olelo, a, i ko'u ike pono ana o keia mau ilio Hawaii ka hoi kekahi, mau ilio maalea.

Penei ka olelo no ka ilio a me kana hana, i kekahi po mamua aku nei. E ku ana au ma ke alanui Nuuanu, i Kaopuana, ike aku la au i keia ilio me ka ipukukui e paa ana ma kona waha, ninau au i ko'u poe hoa e ku pu ana, "e aha ana nei ilio?" I mai lakou. E imi ana i kona kahu aia i ke kuai aiani. A lohe au, hoomaopopo wau i ka oiaio oia olelo, habai au mahope e ike pono.

Iho aku la ua ilio nei a Kolopo, huli kona

nuku i ka makani e hanu ana, ia wa komo iloko o ka hale inu-ki o ka pake, mauka o ka hale kuai o Akai a me ke alanui hotele, iloko o laila ke kahu e inu-ki ana, uwe aku ia ka ilio i kona kahu, maopopo ia'u he oiaio ka manso o keia ilio.

I kekahi la e ku ana no wau ma Ulakoheo kahi kuai ia, iho ana ua ilio nei me ka puolo wahi ia o waho, ua palapala ke kahu i ka palapala a waiho iloko o ka puolo me ka hapaha, a ua maa ka poe kuai o Ulakoheo i nei ilio me kona kahu, e olelo ana ka palapala i hapawalu dala pipi, i hapawalu i ia. Kuai iho la ka poe pakaukau, a, wahi a paa haawi i ka ilio, hoi pololei no kela me ka lalan ole ma-o a ma-o a hiki i Kapauhi.

A pela no ma na mea e ae, ua komo mai ko ke kanaka noonoo iloko o keia ilio, a pela no ma kekahi mau hana e ae.

Kapauhi, Honolulu, Feb. 16, 1862.

This article has been automatically clipped from the Ka Hoku o ka Pakipika 20 February 1862, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).